

כה יצא ואם לאו השני נוטל את האבן ונותנה על לבו אם מת
 כה יצא ואם לאו רנימתו בכל ישראל שנאמר ויד העדים תהיה
 בו בראשונה להמיתו ויד כל העם באחרונה *Locus lapidationis elatus erat duarum staturarum, id est geminam hominis altitudinem. Unus testium exinde reum deiiciebat, uel detrudebat in lumbos ipsius, si conuersus esset in pectus, conuertebat illum in lumbos; si hoc facto mortuus esset, legi satisfactum erat; sin minus alter testium tollebat lapidem, et proiciebat illum in ipsius cor, uel pectus; si hoc ictu moreretur, legi satisfactum erat, si uero non mortuus esset, occidebatur, i. e. lapidibus obruebatur a toto populo Israelitico; quoniam dicitur manus testium primum in illum erit, et postea manus totius populi. Deut. XVII, 7.*

Quae omnia satis accurate cum MARTYRIO STEPHANI conueniunt, e LVCAE testimonio: c) *οἱ μαρτυρῆς ἀπέθεντο τὰ ἱματῖα αὐτῶν παρὰ τὰς πόδας τοῦ νεανίου καλεμένου Σαυλῆ.* Quod *τὰ ἱματῖα* uel *uestes* attinet, quas exuebant TESTES, non dubito has *uestes* fuisse superiores uel PALLIA, quae more antiquorum populorum Orientalium, et multorum Occidentalium, teste VARRONE, d) super TOGAM induebantur, et quae eum in finem exuebant, ut eo melius lapides tollere, et in REVM proiicere possent. Haec exuta PALLIA, uti apud LVCAM legitur, quasi in depositum dabant, et ad pedes ADOLESCENTIS cuiusdam, nomine SAVLI, ponebant. Quod hoc loco per *τον νεανίαν* seu ADOLESCENTEM, non PER *decem*

c) Actorum Cap. VII. uersu 59.

d) Lib. I. de uita populi Romani, et Libro IV. VII. et IX. de lingua latina TERRENTIVS VARRO prolixius de uestimentis, et imprimis de discrimine pallii et togae apud Romanos recepto disserit.